

UGOVOR O FINANCIJSKOJ REVIZIJI

Zaključen između:

1. **"AUDITING" d.o.o. Sarajevo**, Trebevička 7, koga zastupa direktor poduzeća Hrvoje Šapina (u daljem tekstu davalac usluge) i
2. **Kantonalna agencija za privatizaciju**, Sarajevo, Hamida Dizdara 1, koga zastupa v.d. direktor Bojan Varunek, dipl.ecc. (u daljem tekstu korisnik usluge)

Član 1.

Predmet ugovora je revizija finansijskog izvještaja korisnika usluge za 2016. godinu

Član 2.

Davalac usluge će reviziju obaviti s ciljem davanja svog mišljenja samo o finansijskim izvještajima iz čl. 1 ovog ugovora. Reviziju će obaviti u skladu s međunarodnim standardima revizije. Ovi standardi o reviziji nalažu da se planira i izvrši revizija kako bi se mogla osigurati razumna pouzdanost da u predmetnom finansijskom izvještaju nema značajnog pogrešnog iznošenja činjenica. Revizija podrazumijeva ispitivanje, na osnovu testa, revizijskih dokaza koji potkrepljuju iznose i objavljivanja u predmetnom finansijskom izvještaju. Revizija također podrazumijeva procjenu korištenih računovodstvenih načela i važnih procjena sačinjenih od strane menadžmenta.

Član 3.

Zbog prirodnih nedostataka metode testa i drugih ograničenja svojstvenih za reviziju, te ograničenja svojstvenih za bilo koji računovodstveni sustav i sustav interne kontrole, postoji neizbježan rizik da se možda neće otkriti neka pogrešna iznošenja činjenica u predmetnom finansijskom izvještaju, čak i ako su ona značajna.

Član 4.

Pripremanje finansijskih izvještaja i adekvatno objavljivanje odgovornost je menadžmenta korisnika usluge. To podrazumijeva postojanje adekvatne računovodstvene evidencije i internih kontrola, odabir i primjenu računovodstvenih politika te zaštitu imovine pravnog lica.

Kao dio procesa revizije, revizori davaoca usluge mogu zahtijevati od menadžmenta pismenu potvrdu izjava koje su dane u tijeku postupka revizije.

Član 5.

Menadžment korisnika usluge ostvarit će punu suradnju s revizorima te osigurati da im osoblje korisnika usluge ustupi na korištenje sve potrebne spise, dokumentaciju i druge informacije vezane za reviziju, te osigurati revizorima uvjete za rad.

Član 6.

Ugovorne strane su suglasne da se **ugovara vrijednost usluge revizije u iznosu 2.300,00 KM + 17% PDV (Ukupno 2.691,00 KM)**.

Član 7.

Korisnik usluge će plaćanje usluge revizije izvršiti na temelju uredno ispostavljene fakture od strane davaoca usluge i to 100 % u roku 8 dana od dana uručenja revizorskog izvještaja.

U slučaju zakašnjenja u plaćanju zaračunava se zatezna kamata po propisima u FBiH.

UGOVOR O FINANCIJSKOJ REVIZIJI

Član 8.

Davalac usluge će reviziju izvršiti prema dinamici koju dogovori s korisnikom usluge.
Po završetku revizije davalac usluge je dužan dostaviti korisniku usluge kompletan izvještaj o reviziji na lokalnom i engleskom jeziku u 3 primjerka najkasnije u roku koji utvrdi davalac usluge.

Član 9.

Ugovor je sastavljen u 2 primjerka, a svakoj ugovornoj strani pripadaju po jedan primjerak.
Sve eventualne probleme ugovorne strane će rješavati sporazumno, a u slučaju spora nadležan je sud u Sarajevu.

Sarajevo, 10.4.2017. godine

Za "Auditing" d.o.o.



Za korisnika usluge

